


AUG 8241

Biblioteka Jagiellońska



stdr0008777



AUG. 8241

V I A

Ad Culmen Doctoralis in Sacra Theologia Honoris

Meritis, Virtutibus, ac Sapientiâ

PERILLUSTRIS CLARISSIMI
& ADMODUM REVERENDI DOMINI
D. M. JOANNIS JOSEPHI
R Y G A L S K I,

Sacrae Theologiae LICENTIATI, Cursus Polemici
PROFESSORIS, COLLEGAE Majoris, Lanciciensis
CANCELLARII, Ecclesiarum; Collegiatae S. FLO-
RIANI Clepardiae ad Cracoviam CANONICI,
Parochialis Vetro-Corcinensis CURATI,
Universitatis Generalis PROCURATORIS,
Contubernii Geloniani PROVVISORIS,

TRITA.

& dum
in Ecclesia Collegiata Divæ ANNÆ

PERILLUSTRI CLARISSIMO
& ADMODUM REVERENDO DOMINO
D. M. ANTONIO
KRZANOWSKI,

Sacræ Theologiæ DOCTORE & PROFESSORE Ejus-
demq; Facultatis DECANO, Almæ Universitatis Seniore
PATRE, Ecclesiæ S. FLORIANI Clepardiæ ad Cracoviã
PRÆPOSITO, S. JOANNIS CANTII PROCURATORE,
Contubernii Hierosolymitani PROVISORE.

applaudente frequentissimo Distinctissimorum
Hospitum Senatus Academici consensu

Sacræ Theologiæ DOCTOR

laudatissima solennitate

crearetur ac renuntiaretur;

Officiosissimò calamò

M. NEPOMUCENI MARTINI TRĄBSKI,

Philosophiæ Doctoris, Scholæ Rhetorices in Collegio Novodvor-
sciano Professoris, Contubernii Geloniani Senioris.

DELINEATA.

Annò quò

Vla * recta è Cælis MVnDo apparVIt.

* Joan: 6. Die Martis 9. Februarii.

CRACOVIAE, Typis Seminarii Episcopalis Academico-Diœcesani.

V I A

Ad Culmen Doctoralis in Sacra Theologia Honoris.



Quod à DEO Optimo Maximo precatus
fueram, semperq; ardentissimis exo-
rabam votis, id, cum ordinatione Di-
vina suum sortiri effectum, comperio, incre-
dibili supra modum gestiens lætitia, exigua hac
in pagella, & gaudiorum exundantem uber-
tatem, & inenarrabilem gratæ mentis testifica-
tionem exhibeo PERILLUSTRIS CLARISSI-
ME & ADMODUM REVERENDE DOMINE
NEO-DOCTOR. Cum equidem jam Culmen
Theologici Honoris maturis Virtutum meri-
torum ac Sapientiæ adivisti passibus, jamq; in
eo feliciter consistis; quis quæso Tuorum
Clientum tam faxeus foret, cujus cor speciale
non conciperet gaudiū, ora ad votivas non ani-
marentur acclamations, manus ad publicos nō
moverentur plausus, tota deniq; corporis sym-
metria ad significandum internum non com-
poneretur oblectamentum; imò quantumvis

saxeus sit, eundem, nisi frigore ingratitude
corruptum se testari velit, scintillas ad reper-
cussionem tam optatæ vocalium plausuum
echonis omnino prodere oportet. Nam si sensu
Romani Oratoris: in referenda gratia debe-
mus imitari fertiles agros, qui plus multo
afferunt, quam acceperunt, protecto, sicut mea
fert opinio, sterilem Tibi præmeferrem
animum, qui, ut verum fatear, favore Tuo,
quum adhuc primis labris gustâram Literas,
me gloriari permisisti, nisi fructum, uti sem-
per optimè mereri de Te exoptantis, sic in
præsentiarum bona parte congaudentis vo-
luntatis, Tibi reddere favente tam plausibili
occasione contenderem. Foveram quidem obli-
gato pectore intaminatam animi gratitudi-
nem pro singulari Tua erga me benevolentia,
quam licet aliquoties ore tenus testificari non
tardaverim, pridem tamen cogitaveram, quo-
nam modo eandem etiam publicè significare
possem, nunc primum optatus votis corre-
spondet eventus, cum Tibi isthanc Sacri ac-
cessionem Honoris gratulari mihi concessum.
Si enim in eos, quos speramus nobis profutu-
ros, non dubitamus officia conferre, quales de-
temus

bemus in eos esse, qui jam profuerunt. Smie-
szkovianum Contubernium Tuum, nam Tua
protectione viget, Tuâ gratiâ conservatur, de-
plorandam, verum nunquam lachrymâs pur-
gandam sibi appingeret maculam, si Provisori
ac Protectori suo debitum gratitudinis non
exsolveret tributum. At verò, cum muta gra-
tulatio ab ingratitude parum differre cen-
seatur, meritò inter festivas Summorum Ho-
minum & Reipublicæ Literariæ congratula-
tiones etiam isthæc Oratio nostra nuda quidem
& exigua sed candida & simplex videri præ-
tendit. Non ea complectetur laudes Tuas, quæ
summæ, Tibi stipendiariæ sunt, non eruditam
Virtutem & magna in Ecclesiam ac Orbem Li-
terarium merita debitâs celebrabit præconiis,
quæ sola vetant mori; nam & innata Tuæ mo-
destiæ vulnus infligeret, & oleum ac ope-
ram perderet, cum etiam omnibûs tacentibûs
publica meritorum Tuorum fama vocalissima
audiatur, & laudatissimæ actiones communi
Ecclesiæ & Academiæ bono impensa ita no-
men Tuum deprecant, ut vestigalem Ora-
torum suam penitus exigere non videantur.
Non eges itaq; elogiis, cum totus Elogium sis,
cum

cū tot magnarum dotum æstimatores habeas,
quotquot nobilitatem eruditi animi Tui notam
perspectumq; habent, tot Virtutum Tuarum
celebres nancisceris Præcones, quotquot Viri
austori atq; Summi, dignitatum splendore or-
nati, non vulgari sapientiæ gloriâ clarissimi,
incredibile illud ingenii Tui robur, atq; va-
stissimam mentis capacitatem admirantur.
Unde non ego quæram ementita virtutum or-
namenta, cū ipsa virtus verissima sibi laus sit.
Laborent hoc defectu rudes lapilli, qui ut ho-
minibus jucundiores videantur, ab artificis
manu fictam gratiam & emendicatum splen-
dorem exigunt, verū genuini roris Cælestis
partus uniones proprio commendantur pretio,
neq; mendacem elegantiam ab ingeniosa præ-
stolantur arte. Referam ergo tantū hoc, ex
quo universis vitam Academicam vivere ean-
demq; ornare cupientibus exemplum & imi-
tatio, ex quo Contubernii Tui gratum obse-
quium, mea deinceps propensissima voluntas
ac officiorum significatio capiatur. Viam ni-
mirum ad Culmen Doctoralis in Sacra Theo-
logia Honoris Tuī meritīs, virtutibūs, & sa-
pientiā tritam purō, & simplici verborum pe-
nicil-

nihilc delineato, quam meo iudicio non solum
subsequentibus saeculis normam, verum etiam
admirationem allaturam spero.

Inter ampliores vias, quibus ad augustam
Honoris itur Aedem, duas praecipuas, ve-
rum omnino diversas magistra experientia no-
bis indigitat, alteram caecae & inconstantis
fortunae, alteram Sapientiae, meritorum ac
virtutum. Illa quemadmodum ducricem suam
habet luminibus orbam, dolis instructam,
perfidam, ipsisque duntaxat casibus stantem,
sic tota errans, fallax & periculosa est; unde
qui eam gradiuntur, licet si plerumque cum suo
& aliorum stupore in auge titulorum fistant,
nihilominus semper dubii, adeoque nunquam
securi sui Honoris fiunt Possessores. Elevan-
tur in altum, ut inde casu graviore ruant,
ornantur dignitatibus, ut tandem Orbi majori
exponantur ludibrio, praeminent aliis, ut in-
ter ultimae sortis homines cum vix tolerabili
sui opprobrio miseres spectari valeant, &
cum interdum Cetero rubent; movent bilem
in Promotrice sua, quae ad aspectum Purpurae
more Elephantum excandescit, ac in eos, qui-
bus evidentiùs favere visa, atrociùs saevit.

Non

Non nōrunt has infelices vicissitudines, qui Viā virtutum ac meritorum incedunt, nam hæc sicut supra lubricum instabilis fortunæ evecta, ita semper secura, semper decora, semper celsa existit, nec suos Viatores quandoq; periclitari finit. Teratur perfectionum ac Sapientiæ passibūs, oportet, facillimè ad Templum Honoris deducet, in quo ita immunis quies, ut eam tam fulmina malignantis fortis, quàm turbulenti fatorum Aquilones perturbare ac impetere nequaquam præsumant.

PRævidisti id optimè PERILLUSTRIS DOMINE NEO-DOCTOR. idcirco totam vitam Tuam adeo prudenter direxisti, ut ex ea Viam meritīs, virtutibūs, ac Sapientiā tritam confeceris. non eo quidem animo, ut Culmen hujus Sacri adires Honoris; Humilitas enim fundamentum virtutum modestiæ conjuncta à primis adhuc annis sic in Te eminuit, acsi in Tuam transfiret naturam. Unde cū jam cuncta laborum Academicorum Olympia palmari emensus fueris passu; post consummatum sudorū & curarū cursū sub Theologicā Lauream tanquam Coronam justitiæ ex æquo Tibi debitam, nisi persvasione Patrum motus emerita
submit-

submittis Tempora; bene memor illorum Cæ-
lestis Magistri verborum, quæ Tibi tum in
regulam morum, tum in commune cessere pro-
verbium: *cum feceritis omnia quæ præcepta sunt
vobis dicite: servi inutiles sumus.* Quò verò lau-
datissimarum Tui actionum gloriosiores forent
progressus, dum jam sortitus fuisses eam indo-
lem, per cujus præclaros ad virtutem impe-
tus statim proditum erat, quòd cum Anima
summam promptitudinem ad celeberrima
quæq; gesta accepisti, vernantem ætatem,
cui communi hominum consuetudine, & qua-
dam prope ipsius naturæ tacita lege major quæ-
dam licentia permitti solet, non turpi otio,
non animi remissionibus, non puerilibus lu-
dicris, verum honesto labori, qui solus bonæ
famæ Pater est, comparandæ virtuti & scien-
tiæ, quæ ipsæ hominem à brutis distinguunt
& DEO quodammodo assimilant, dedisti, obtu-
listi. Atq; inde est, quòd aureos istos perfe-
ctionis & eruditionis fructus, quos ad nunc in
feracissimo omnigenæ probitatis vitæ Tuæ au-
tumno demiramur, in flore ætatis jam omnes
suspicabantur, palamq; in adolescentia Tua
ad quæq; optima & honesta composita, velut

B.

in

in herba ostendisti, quæ ingenii maturitas,
quantævé fruges industriæ Tuæ essent futuræ.
Devovisti maximorum capacem animum Tuū
bonarum Artium studiis, in quibus ob sagax
ingenium & operam diligentem brevi sic pro-
fecisti, ut non Discipuli sed Magistri locum
obtinere videreris; verū non minori conatu
virtutum continuasti exercitium, nam scien-
tias ignorare malles, si strictum cum virtute ne-
xum non haberent. Quare inter præcepta Ar-
tium, regulas sanctè vivendi investigasti an-
xiè, atq; sic illa promptitudo memoriæ incre-
dibilis, perspicacia mentis admirabilis, cele-
ritas ingenii matura, capacitas animi felix ex
intensione virtutum ortæ, Te omni difficultate
superiorem, omni profunditate altiore, omni
subtilitate acutiorem reddiderunt. Cū ergo
tam illustres in perfectionū ac Literarum studio
fecisses progressus, & ille innatus animi vigor
Tuam egregiam indolem ad majora ac majora
efficacius permovisset, Academicis suppor-
tandis laboribus robustos supposuisti lacertos,
cū eruditæ Caput Tuum submisisti Laureæ (a)
Publicum hoc Sapientiæ Theatrum meritò Vir-
tuti Tuæ debebatur, ut quæ nusquam latere
didi-

(a) Aunō Domini 1738. ad primam Lauream promotus.

didicit ibi clarissimos Cælō dignarum actionum
diffunderet radios, unde non exiguum veræ
eruditionis lumen in totum Polonum Orbem
derivatur. Et jam fortunato sydere honori-
ficam æquè ac asperam laborum Academico-
rum terere Viam cepisti, in qua quotquot for-
masti gressus, tot gloriosa maturæ virtutis ac
eruditionis vestigia reliquisti. Cursu isthoc
scientifico per triennium à Te irrequietè tra-
ctato Doctoralem Magisterii Liberalibus in Ar-
tibus adivisti Laurum (b) qua uti Soli sacrata
redimitus, Solis imitabaris naturam, aliàs quò
sublimiorem occupavisti locum, eò operosio-
rem ac in agendo fortiolem Te probasti. Hinc
quoties eruditum decertaturus certamen Li-
terariam descenderas in arenam Philosophus,
toties gloriosus post confecta prælia Victor
evasisti non prius tamē à victis recedebas, donec
ex Tua victoria, ne vinceretur posthac didice-
rint. Tradebas ex Cathedra Philolophica Le-
ctiones Professor vigilantissimus, & cum æquè
fueris facilis ac felix in docendo, quotquot
Auditores nactus fueras, tot de abstrusis diffi-
cultatum, de labyrintho dubiorum, de tenebris

B 2

igno-

(b) Annō Domini 1741. Doctor Philolophiæ & Magister
in Artibus Liberalibus creatus.

ignorantiæ eductos in luce eruditionis stitisti.
Neq; verò Cathedras duntaxat solidâ exornâsti
doctrinâ, publica etiam Rostra dulcissimô Tui
resonabant eloquiô. In Doctore Seraphico
Bonaventura Divinissimo Virtutum ostenden-
do Nexum (c) miras Stanislai Casimiritani do-
tes (d) publicis concelebrando encomiis, non
boni solùm ast optimi Oratoris notas ada-
mussim implèsti.

Perspexerunt istas nobilissimas animi Tui
qualitates primi Academiae Patres, ipsaq; Uni-
versitas talem tantumvé plurimùm sibi gratu-
lata est Virum. Qui ut non unam par eras
ornare provinciam, ita singula se se offeren-
tia munera ea alacritate complectebaris, quæ
studiosissimos boni communis decet amatores,
ea dexteritate perficiebas, quæ optimis Rei-
publicæ Literariæ Civibus ingenita est. Nulli
labori manum quandoq; subtraxeras, indignû
Viro Academico reputans laborem timere:
sed quòcumq; Te vota Patrum obedientem fili-
um vocarent, sive Cathedra Doctorem invi-
tarent, sive Rostra Oratorem poscerent, sive

hinc

(c) Annò Domini 1744. pro laudibus S. Bonaventuræ publicam Ora-
tionem habuit.

(d) Annò Domini 1745. pro laudibus D. Stanislai Casimiritani publicè
peroravit.

hinc remotiores Scholæ Professore ultrò ad
se pertraherent, semper latus, semper alacer
non ibas sed volabas amore publici commodi
alas ministrante. Missus ad Academiam Po-
snaniensem ut inibi cognitionem rerum Divi-
narum humanarumq, avidis sciendi instillares
animis, eam eruditionem quam ex hoc Fonte
hausisti, uberrimè ad illum Rivum diffudisti,
dum Cursum Philosophicum satis selecto &
numerofo Auditori toto sexennio repetitis vi-
cibûs tradidisti. Cursus hic utpote bis de die
legi consuetus, suisq; Disputationibûs quovis
Mense absolvi solitis satis arduus licèt inte-
grum requirat Virum, Tu sic Te ei integrum
dedisti, ut etiam ad alios pro gloria Gentis
togatæ labores quâ domi quâ foris susceptos
integer esses. Integrum Te repererunt Di-
sputationes publicæ præsentibûs magnis Ho-
spitibûs peractæ Tuam dexteritatem testifican-
tes, ex nihilominus singulariorem Tibi adjun-
xere plausum, & Lubransciana Pino vigorem
honoris auxere, quarum Theses in facie Illu-
strissimi illius Capituli ac frequentissima Distin-
ctissimorum Hospitum Corona, aliæ à Perillu-
stribus Reverendissimis Prælati Cathedrali-
bus

bus (e) aliæ à præclaris Viris pro autoritate
Nominis Pontificii oppugnatae, hæ Illustrissimo
olim & Reverendissimo Domino JOSEPHO
de Werbo PAWŁOWSKI Episcopo Niochensi,
Officiali Generali Poseniensi, illæ Illustrissimo
olim & Excellentissimo Domino VLADISLAO
à Szoldry SZOŁDRSKI Palatino Inovladisla-
viensi Generali Majoris Poloniae, Viris, ut ve-
tustate Prosapia, Principum Nominum conne-
xione, maximis de Ecclesia & Patria prome-
ritis commendatissimis, ita de Literis & Lite-
ratis meritissimis illius Academiae Patronis &
Protectoribus Amplissimis eruditæ Tuæ Virtu-
tis Aestimatoribus æquissimis dicatae. Quam au-
tem crebro in omnibus Sacris Ordinibus publicè
disputandi suscipiebas provinciam, susceptam
cum quanta peragebas gloria, quam facilis in
proponendo, acutus ac solidus in argumen-
tando, clarus in explicando esses, vel ex hoc
facilè quisq; colligere potest, quòd omnes Sa-
crarum Familiarum Professores Te sui Deca-
num nominarint. Gemmeo verborum appa-
ratu ornandæ erant publicæ Divorum Exedrae,
Sacris

(e) Theses Illmo Palatino dicatas oppugnarunt Perillustres & Reverendissimi
Domini Laurentius *de Wybranowa* Swinarski Ecclesiae Cathedralis Po-
seniensis Custos, & Joannes Krail J.U.D. Ecclesiae ejusdem Canonicus

Sacrīs Ecclesiastici suggestus laudibūs perso-
nare debuerant, solennes instituendi Regni
Proceribus plausus, integrum Te illis dedisti,
& sic ex asse unicuiq; respondisti muneri, ac si
eidem omnino soli vacāsses. Laudum Aquina-
ticarum Abyssō profundissimos adjiciendo
sensus, eoq; ipso Angelicum Doctorem *Insolubile Argumentum* captivata in obsequium Ei-
dem & de animis Auditorum triumphante Elo-
quentia demonstrando. (f) binīs vicibūs sa-
pientiam & virtutes Cantianas celebrando, (g)
ferventissimum in Sancto Philippo Nerio amo-
rem Dei ostendendo, hoc probāsti, quod etiam
in dexterrimo Philosopho summos Oratores
possumus admirari. Sacra Pulpita videntur
adhuc Tuam divulgare famam (h) ex quibus
Verbi Divini Præco persæpe laudes Cæli-
tuum auxisti ad Auditorum imitationem, he-
roicas recensuisti virtutes ad ædificationem,
in peccata tonuisti ad terrorem. Navis Szoldr-
sciana (i) Cui in Altum Palatinalis Honoris eve-

(f) Pro laudibus Doctoris Angelici habuit Orationem typo impressam
cujus propositio: Argumentum Insolubile.

(g) Pro laudibus S. Cantii & S. Philippi Neri aliquoties peroravit.

(h) Pro principalioribus solennitatibus pluries concionabatur tam Posna-
niæ quàm extra.

(i) Panegyrim Inauguratoriam Illustrissimo olim ac Excell: Dño Szoldiski
ad ascensum in Curulem Palatin: Posnan. dicavit.

Etæ Oratoria plausum addidisti vela, ingenio
partam Nominis Tui gloriam refert. Quid
tandem dicam de ulterioribus meritis & labo-
ribus? nonne summa cura sollicitudo & vi-
gilantia patuit? cū Szoldrsciani Contuber-
nii ultra triennium Præfectus integrum Te
præbuiſti huic, ut tenera inclytorum Juvenū
ingenia ad recti honestiq; amorem præceptis,
adhortamentis, exemplis diligenter formares.
Et feliciter successit Tibi isthæc animorum
cultura, ex qua Ecclesiæ & Patriæ aurea Vi-
rorum messis adolevit. Cū enim optimè
nōsses nihil esse fœdius Superiore inconsulto,
qui cū debeat esse mansuetus & humilis ad
omnes, è diverso, si torvo vultu, tremantibus
labiis, rugosa fronte, effrenatis conviciis, facie
inter ruborem palloremvè variata, clamore
perstrepat, non tam ad bonum trahit, quàm
ad malum suâ sævitia præcipitat; hinc est quòd
nunquam aut tristem austeritatem nimiumq;
rigorem, aut ultra modum abblandientem co-
mitatem vel noxiam conniventiam prætefer-
res, sed graviter ad amantitatem composito vul-
tu ingenuam Juventutis indolem suavissimò
amoris imperiò ad quæq; optima, quæq; ho-
nesta

nesta & invitabas & urgebas. Viderunt hæc magna in Te dona Illustrissimi Palatinatus Posnaniensis Dignitarii, idcirco Professorali Tuæ curæ sui Nominis Pignora dilectos Filios commiserunt. (k) Qui quantum ex privata Tui institutione profecerint, gloriosa Eorum gesta sufficiens exhibent testimonium. Viget adusq; gratissima Tua in illis partibus memoria, hæret in eorum animis dulcis Nominis Tui recordatio, quos perenni Tibi obstrinxeras obligatione. Nemo est illorum liberaliter à Te educatus, cui non Tua fidelis institutio, cui non salutaria monita, cui non locus ille mutus, qui pulcherrima Tui resonabat eruditione, cum grata commemoratione in mente versetur, Bonum commune semper præferebas privatò, unde quoties publici commodi ratio exigere videbatur, non viribus, non fortunæ, non caræ deinceps sanitati parcere voluisti. Tuorum ejusmodi gestorum testis est (l) illius Academiae Typographia, testis jam nominatus Szoldrscianus Convictus, quorum Præfectum ob amorem

(k) Illmus Dñus *Casimirus Raczyński* Capitaneus Czervonogrodenfis, S. Stanislai Eques Palatinatus Posnaniensis & Califfien: nuper Confoederati ad Comitia Electionis. Mareschalcus. & Perillustis Rñdmus Dñus *Josephus Glaubicz Rokosowski* Ecclesiæ Cath: Posnan: Canonicus &c. eo tempore Discipuli Perillustis Domini Neo-Doctores.

(l) Præfecturam Typographiæ ultra biennium gerens, multum ei de proprio profuit

rem publici Boni agens, eosdem ad meliorem
statum perduxisti. Si foris occasio de Bono
publico merendi sive apud Antistites, sive alios
Magnates, à Quibus, non propter cæcum
fortunæ respectum, aut blandam assentationis
(quod usuvenisse comperimus) circumventio-
nem, verum propter morum gravitatem, ser-
monis rectitudinem, candorem cordis, in re-
bus gerendis prudentiam, in responsis maturi-
tatem, in consiliis perspicaciam, tantum fa-
vorem & amorem Tibi conciliasti, ut speciali
ducerent sibi voluptati Tecum conversari,
Tecum privata etiam de rebus majoris mo-
menti colloquia habere, Te consultare; ali-
quando contigerat, quid non moliebaris, quos
non adhibebas modos, ut Tua activitate pro-
desse posses, hinc meritò Tibi Academia illa
(m) incorporationē Jurispatronatus Scholaste-
riæ in Summo Posnaniensi noviter erectæ, pa-
riter ac Oratorium ab intra suilornatum, tum
Sacra apparamenta, debet. Prætereo hinc men-
tis benevolentissimæ & magnæ charitatis do-
cumenta, quæ in portatis aliorum generibus, in
efficaci juvamine Perillustri olim & Reveren-
dissimo

(m) Incorporationem Jurispatronatus Scholasteriæ Ecclesiæ Collegiatae
in Summo Posnaniensi illi Academiae procuravit.

10
diffimo Domino M. Antonio Bojarski, Ecclesiae
Cathedralis Posnaniensis Canonico, protunc Se-
minarii Academico-Diocesani Praefecto, (n) ad
publica negotia & continuos pro Ecclesia DEI
labores exhibito, in praestita affabilitate, in por-
recta indigentibus munifica manu, sat luculen-
ter patuerunt. Praetermitto admirandam illam
patientiam ac imperfractam animi fortitudinem,
quam ultra sex septimanas protracta infirmitas
utinam cunctis imitandam patefecit, in qua,
quantumvis vehementissimos dolores aegro non
ferebas animo, sed conformatus voluntati Di-
vinæ (quod summa perfectio est) cum magis
atque magis ingravesceret morbus, omnibus
Sacramentis, quæ perardenter expetiveras,
munitus, ultimæ voluntatis testamentum sanus
mente, quod legentes ad terrenorum despectum,
ac DEUM amandum permovebat, condidisti.

Relictis itaque copiosis solidæ eruditionis
fructibus, relictis vivis magnarum virtutum
exemplis, relicta vocalissima Tui Nominis re-
sonante per majorem Poloniam fama, in eum,
ex quo missus fueras rediisti locum. Rediisti
DEO sic volente feliciter, & reduci in præmiū

C 2

tanto-

(n) Perillustri olim & Rndmo Dño M. Antonio Bojarski Ecclesiae Cathedralis
Posnaniensis Canonico speciali adiutorio in magnis negotiis fuit.

tantorum laborum & meritorum cessit Collegium Minus (o) quod cum magnorum Viro-
rum Seminarium sit, duntaxat ob minimam
redituum fortunarumq; accessionem minus
appellari liceat. Jam per responsionem stre-
nuam ejus possessionem cepisti, verum exinde
aliquam Te cepisse quietem, vel minùs labo-
ribus magnis indulgisse, nemo existimet; in hac
enim Regia-Jagellonis Schola non secus ac in
balneo quantò altius ascenditur, tantò copio-
sius est sudandum. Labor in Ea compensatur
labore, quamobrem Tuis humeris non modi-
cum impositum onus, cùm vigilantissimo regi-
mini Tuo Contubernium Regio-Jagellonianū
commissum. (p) Quanta id munus dexteri-
tate gesseris, non est cur multis efferam, omnes
hoc facile intelligere possunt, quibus pruden-
tia Tua in sedandis fluctuantis Juventutis mo-
tibus, summa eruditio in formandis teneris
animis atq; sagax ac maturum judicium notum
satis perspectumq; habetur; sufficit dicere, quòd
sub Tua directione officina probitatum, bono-
rum morum gymnasium, palæstra artium est
effectum. Augustum Tui animum semper labo-
ribus

(o) Annò Domini 1750. Collegis Minoribus annumeratus.

(p) Contubernii Regio Jagellontani Senior.

ribûs nutriti, & 'cùm hominem otiantem
monstrum esse judicâsti, sudoribûs sudores ab-
stergens operosûs exerceri negotiis continuò
voluisti, inde est, quòd quasvis estò gravissi-
mas functiones æternò Superûm consiliò Tibi
collatas ambabûs (ut ita dicam) manibûs am-
plectebaris. Decanalis Purpura, (q) quæ prin-
cipem inter Artistas obtinet locum, urgenti-
bûs ultrò Philosophicæ Facultatis suffragiis
Tuos vestivit lacertos, Honor quidem autho-
ritatis primæ, sed onus procul dubio maxi-
mum, quod tamen inter æstivos Solis ardores
Tibi sine molestia portanti ferventissimum bo-
ni communis alleviabat desiderium, ac pu-
blica Rei Literariæ commoda, curarum æstus
suavissimò attemperabant flabellò. Eminebas in
tam sublimi dignitatis gradu, sed aureis eru-
ditionis radiis copiosos scientiarum produce-
bas fructus, sicq; Decanali fungebaris Honore
ut eum præclaris exornares dotibûs, solida
eruditione decorares. Parum nihilominus
erat Te tantis premi oneribûs, nisi nova labo-
ris moles in eruditum Tuum devoluta Caput
pondus ponderi addidisset curas accumulâset

curis

(q) Annò Domini 1755. in Decanum Facultatis Philosophicæ concor-
dibûs votis electus.

curis, fortem animum nulli cedentem conatui
ad graviora ferenda molimina urisset. Iam hæc
profectò præcipua est magnanimorū gloria Vi-
rorum, quòd acerbos labores, quos timida so-
lent expavescere mentes insuperabili perferant
virtute, & adversus quasvis molestias imperter-
ritum animum obfirment. Vitreus ille habetur,
quem levis curarum frangit attactus; mentem
Tuā solido conflata adamante sub ferrei malleo,
laboris fortius consolidari, quis non novit?
Quem ut onus Decanalıs non fregit Honoris, sic
gravis Academico-Diœcesani Seminarii cura
parem & æquè firmum est experta. (r) Nam
plenam sollicitudinis amplexus Vice-Præfe-
ctu æ spartam, quid non egisti? quantos non
tulisti labores? quantas non impendisti vigilias?
quantos non suscepisti conatus? ut idonea obe-
undis Ecclesiæ muniis substitueres subjecta, ut
usibus Sacris aptos formares Viros, ut exer-
citatissimum Aris, Paræciis, Stallis provideres
Clerum; nōrunt Ecclesiæ, loquuntur Cathe-
dræ, ipsiq; Templorum parietes declamare vi-
dentur!

Hæc ergo laborum, meritum, ac eruditio-
nis Via ad majus emeritorum de Re Literaria
Viro-

(r) Vice-Præfatus Seminarii Academico-Diœcesani.

Virorum Te perduxit Collegium, (s) quod
cū secundis auspiciis intrasti, non sola ma-
joris Domus atria, sed etiam corda Patrum ha-
buiſti patentia. Ecquis prorsus Tuos in affectus
Tuam in æſtimationem libens non iuiſſet, Qui
ob ſapientem, pacatam, candidam & apprime
compositam mentem amari, ob indefeſſum ul-
lis laboribus animum omnino æſtimari debe-
bas. Et cū jam in Majori Domo ſtetisti, quam
quietis locum nemo exiſtimet, majori laborum
motu agitabaris, & Domus negotia pertractans,
& eruditionis curſum perficiens. Vice ſecunda
ſed omine Gentis Togatæ ſecundiſſimo Deca-
nalis Philoſophici Honoris Purpura iterum in
humeros devoluta Tuos, (t) eundem Te, quē
& ante, Atlantē reperit, alias: fortem, robuſtū,
infractum. Veſtiebat Te, ſed Tu eam perfe-
ctionum ac eruditionis ſplendore magis con-
ſpicuam effeciſti, & re vera plus decoris ei de-
diſti, quā ornamentum accepiſti. Nec iſthic
Purpuratus honos aliquam in Te ſuperbiæ ex-
citavit ſcintillam (licet in alto poſitis non altū
ſapere difficile & inuſitatum ſit, ſed quantū in-
uſitatus tantū glorioſius;) verū profundam
animo

(s) Annō Domini 1756. gremio Collegii Majoris annumeratus.

(t) Annō Domini. 1757. Decanus Facultatis 2dæ electus.

animi auxit demissionem, nec rigidū superciliū,
sed modestiam & affabilitatem in fovendis gra-
tiosè Professoribus confirmavit. Ad expediendū
tandem Philosophicum destinatus Cursum (u)
rectissimā veritatis semitā avidis scientiarum
Cultoribus præcurrebas, quos ad metam non
per devia sed trito pateticæ doctrinæ itinere
feliciter perduxisti. Quis hîc incredibilem
illam ingenii Tui subtilitatem satis poterit de-
mirari? qua abstrusa Philosophicarum diffi-
cultatum attingebas arcana, quis mentis acu-
men sufficienter stupebit? quo intricatissimos
resolvebas nodos, & occurrentes mutuò col-
luctantium opinionum sapientissimè controver-
sias dirimebas, nihil dubium, nihil obscurum,
nihil innodatum relinquens. Elucidâsti optimè
claritate explicationis Tuæ, quidquid Logica-
lis obscuritatis parturiit umbra, quidquid na-
tura ex effectib9 suis in secreta occultatione ab-
scondit, mentis perspicaciâ eruisti solertissimè,
quidquid transcendentium ratio & status entium
supra omnia genera rerum & supra ipsum Crē-
atorem evexit, sublimitate ingenii facillimè &
quasi digitō Auditoribus Tuis demonstrâsti.

Sed

(u) Cursum Vladislavianum integrō bienniō tradidit.

Sed cum jam naturales maturo eruditionis
passu percurreres scientias, Via Meritis ac Sa-
pientiâ trita perduxit Te ad Theologicum tra-
ctum (v) in quo, sic enixo ivisti conatu, ut à calce
pervenires ad columnam. Cœpisti à Doctore
Gentium Paulo, cujus Apostolicâ doctrinâ (x)
sic vigili perspicacia explanâsti, ut ejus genui-
num sensum omninò affecutus fueris. Quis
autem sufficienter enarrabit eruditos ac soli-
dos in exponendis hujus Sacræ Scientiæ arcanis
labores Tuos? quis sublimem ingenii Tui sub-
tilitatem satis exprimet? Qui sive Speculativâ
Theologiam per Tractatus legendo, cum isthæc
omnia quæ altitudine sua captum excedunt, aut
abyssali profunditate velut ingens vorago co-
gitationes hominum absorbent, & feliciter atti-
gisti, & faciliter penetrâsti; sive Cursum Sacra-
mentalem tradendo, cum quicquid Divinis invo-
lutum Mysteriis, velatum signis, arcanū effe-
ctibus, ab oculis alienum, id omne planè ape-
ruisti & velut ad sensum demonstrâsti; sive
Moralem explicando, cum, quidquid dubium,
ambiguum, scrupulosum, resolvisti exactè, enu-
D clea-

(v) Ad Sacram Facultatem vocatus vigilantissimus Theologiæ Professor.

(x) Præter Epistolam ad Titum D. Pauli, præter Tractatus ex Theologia
Speculativa, Cursum Sacramentalem, Moralem extradidit, Cursum Po-
lemicum ad præsens continuat.

cleavisti apertè. five Polemicum dictando, cum
ea singula erroribus scatentia, privato distenta
sensu, perversis freta rationibus, confutasti
firmiter; evidentibus probasti documentis:
quod nihil reliquisti intactum, superasti ardua,
elucidasti obscura, abscondita patefecisti. Un-
de communi Orbis Literarii consensu citra
omnem assentationis colorem omnino numero
absolutus Theologus merito habendus. Con-
cordi hoc confitentur voce Sacrae Religiosorum
Ordinum Familiae, & quibus circa res Divinas
qua domi qua foris solidè acriterq; disceptan-
tem audire licuit, (y) omnes ii omnino ma-
ximas Tibi partes deferunt, ac primum inter
Sapientissimos nostrae aetatis Viros locum facile
concedunt.

Hæc maxima Meritorum ac eruditæ vir-
tutis Tuæ argumenta suffecissent profectò Tibi
ad perennem Nominis commendationem, sed
Tu cum fueris sic boni publici amans, ut pro
ejus salute non vires impendere, verum ener-
vare quoq; paratus sis; Officium illud (z)
quo, utpote sub tempus Visitationis à CEL-
SISSIMO PRINCIPE, ILLUSTRISSIMO &
REVERENDISSIMO DOMINO CAJETANO
SOLE-

(y) Publicas Disputationes permultas absolvit, & in omnibus fere Religio-
forum Ordinum Conventibus expositas theses invitatus oppugnabat.
(z) Generalis totius Universitatis Procurator tempore nimis arduo.

SOLTYK, EPISCOPO CRACOVIENSI, DU-
CE SEVERIÆ, EQUITE AQUILÆ ALBÆ,
Universitatis Cracoviensis longè Faventissimo CAN-
CELLARIO ac VISITATORE à SANCTA
SEDE APOSTOLICA, & SACRA REGIA
MAJESTATE DELEGATO, agitata; gra-
vius non dico dari, sed ne quidem cogitari
valet, cum tanta dexteritate, circumspectione
ac sudulitate gessisti, ut quidquid ad integri-
tatem Jurium Universitatis, ad majorem boni
communis accessionem, ad sufficientem Illu-
strissimorum Visitantium informationem per-
tineret, sollicitè inquirere, anxie procurare,
clare enucleare non prætermitteres. Prægran-
de hoc, præsertim eo intervallo curarum onus,
quod ob tantam rerū farraginē, ob ingentē gra-
vium negotiorum molē, in plures experiētiā
rerum insignes, prudentiā commendatos, legū
peritos dividi expostulabat, Tu solus irrequieto
tantū conatu, mira activitate ac solerti dili-
gentia fretus ita sustinuisti, ut Universitati gla-
riam, Tibi æviternam famā comparares. Cum
autem sancta Liberalitas, nō illa tantū quæ ho-
minum indigentia succurrit, verū etiam illa
excellentissima; quæ intimè Divino Honori so-

ciatur, non modicam & apud DEUM & apud homines famæ celebritatem conciliet, ea in Te sicut omnibus Virtutibus clarissimo supra modum emineat. Tua Sponsa Vetro-Corcinensis Ecclesia, vivum hujus præbet testimonium, quam cum ruinæ proximam lateritiam accessisses, majori ex parte reparatam, variis decoratam ornamentis pene marmoream reddidisti.

Taceo plura de Virtutibus ac meritis Tuis
PERILLUSTRIS DOMINE NEO-DOCTOR
qui pauca in gratiam Tui dixi, cum enim tam modestissimus sis, ut recte gesta æternitat coronanda nec commemorari finas, mihiq; exhibendam multis titulis gratitudinem, vi pro exiguo tempore officia tenerrima testari permiseris, ne Tibi molestus evadam, gratiam enim Tuam summopere mihi opportunam desidero, amplitudinem laudum Tuarum exigua hac coarctare pagellâ nec audeo nec volo. Duntaxat cum Via meritis, Virtutibus & Sapientiâ trita Te in Culmen Doctoralis in Sacra Theologia Honoris perductum veneror, inter votivos plausus, quos Tibi non tantum Orbis Literarii **PROCERES** totaq; Universitas, verum etiam **ILLUSTRISSIMI HOSPITES** deferunt

ferunt, in vim æviterne obligationis hæc vota
dedico: ut VIATOR LAUREATUS secundo
vitæ cursu sub Lauru tutus per suprema Ho-
norum fastigia gradiare, & cùm immortalis
esse nequeas; qui enim ad vitam editur
ad mortem destinatur. confecto super ter-
ram longævo tractu æternæ sis gloriæ
COMPREHENSOR. Preces has
quousq; vixero non terminabo,
impræsentiarum sermoni
terminū ponens.



VoX
CanDIDI CorDIs
proLata,
seu
VOTIVA GRATULATIO
Alumnorum Contubernii Geloniani
Programmatis, ex iisq;, puris Anagrammatîs
tum Epigrammatîs
Perillustri Domino PROVISORI suo
EXHIBITA.

Programma I.

M. JOANNES RYGALSCIUS
SACRÆ THEOLOGIÆ NEO-DOCTOR
CONTUBERNII GELONIANI PRO-
VISOR VIVAT.

Ann-

Anagramma I.

I.

ORIGO, CUR PIERIDES CIENT IN LONGO
TONO SUO JUBILA? TANTO
HONORIS LAURIGERI ACCESSU.

Quæ fit origo? cient cur quæris jubila grata?

Pierides, Summi pignora cara Jovis.

Omnes accessu tanto lætantur amænæ

Laurigeri, cujus fertur honoris Apex

Imprimis CLIO voces attollit ad astra

In longoq; tono jubilat ore suo.

Applaudit

Joannes Woiucki, Ensi
ferides Nurensis.

II.

HIC VIR, SCIO IN EO (ROGO) CLARUS,
IN ÆTATE, DOCTRINA, IN EO PIO AMO-
RE, BEINIGNUS, GRAVIS, LÆTUS, NOLO

EUTERPE sensu, perpendens facta decora,

Eminet hic in eo Vir scio dignus adest.

Clarus doctrinâ nitet, et ætate colendus

Est in eoq; pio clarus amore PATER

In probitate gravis, lætus sed corde benignus

Jam rogo non dicam nolo molestus Ei.

Applaudit.

Franciscus Bartoszewski,
Ensi ferides Minscensis.

III.

III.

GLORIA GENTIS NOSTRÆ INI DECUS
PRO CUJUS HONORE CONTINUO LA
BORAS ORE CALAMO EI VIGINTI.

Gloria VIR Gentis nostræ, pro cuius honore
Continuò calamò (Musa THALIA canit)
Dotibûs insignis virtutibûs, ore laboras
Fama Scholæ Regni crescat ut altus honos.
Prodes ei plusquam viginti VIR probus annis,
Ergo decus teneas, omina fortis ini.

Applaudit.

Josephus Chariski, Ensi-
ferides Livoniæ.

IV.

GRATIA DEI EST NOMINE, ERGO CÆLI
BONA HUIC OPTO VIRO, ORO, RIVUS
LONGIS ANNIS CRESCAT, VÆ NOLI.

Gratia celsa Dei (quod portat) Nomine Doctor
Est, ergo Cæli munera, dona bona
Opto Viro, tum rivus huic fundatur honoris,
Et longis annis crescat in Orbe diu.
Melpomene cantu dulci væ dum premis atrox
Præclari noli facta tacere VIRI.

Applaudit.

Alexander Strzelbicki,
Subdapiferides Podoliæ.

V.

V.

POSNANIA ESTO LABORUM, IRRIGUIS
VIR LAURIS DIGNE, HÆC ORNATO
ELOGIO SINE NÆVO CECINIT OCTO.

Nunc testis *Posnania* verax esto laborum
Lauris irriguis Digne VIR esto Tui.
Elogio celebrans ornato Te sine nævo;
Hæc cecinit quod sis candidus atq; probus.
Hæc inquam cecinit, quod sis perfectus ut octo,
Terpsichore plaudens præbet huicce fidē.

Applaudit. Thomas Szczepanowski,
Poeillatorides Novogroden:

VI.

JO TEMPLA! JO LECTORIA! VIÆ CA-
THEDRÆ NARRANT GRAVES EJUS
IGNI NISUS, UBI SIGNO, CORONO, COLO.

Divulgant Jo *Templa* Deum *Lectoria* laudant,
Horū quod SPONSUS, DOCTOR amandū ades.
Jam solenne *vice Cathedræ* clamant Jo, *nisus*
Et docto *narrant ejus* in Orbe *graves.*
Ast *ubi collaudans* velut *igni facta probata;*
ERATO dicit: Eum *signo, corono, colo.*

Applaudit. Josephus Strzelbicki,
Subdapiferides Podoliæ.

VII.

II MAGNATES, PRÆLATI, CLIENTES
CORDE SUI VI HONORE CORONANT, I
OS, LINGUÆ ROBUR VOCIS SONO AGI.

I *linguæ robur!* narres os Nominis amplas
Laudes, Quem toto pectore cernis, *ii*
Magnates digni Prælati, corde coronant,

Atq; Clientes, qui laudis honore nitent.
Appretiantq; sui vi. clara POLYMNIA vocis
Arte sonô plenô convenit (inquit) agi.

Applaudit Joannes Szczepanowski,
Pocillatorides Novogroden

VIII.

VENI CORONA LEGI CONSONA, CÆLI
DOMINUS TRIBUAT ISTI VIRO EGRE-
GIO LÆTOS ANNOS HAURI, CREPO.

Altam cùm frontem præcingit *consona legi*
Præstò Corona Tuam, cara Camæna veni.
Hauri conceptus, ac annos poscito lætos
Isti corde Viro dotibûs egregio.

Cûi Dominus Cæli tribuat faustissima quæquæ
URANIE crepo nunc plausibûs ore sonos

Ignatius Strzelbicki, Sub-
dapiferi des Podoliæ.

IX-

IX.

TRIA EI UNI: ANNOS HONORES, SALUTEM EGO OPTO, DUC, GLORIOR EJUS GRATIA BINIS NILI, I CORNU CÆCÆ.

Hæc tria Cultor Ei supplex ego cælitus, opto,
Gratia Te repleat Numinis ampla bonis
Duc felix annos, longævam ducq; salutem,
Ejus dona precor, Qui regit astra Poli.
 Summi distinguant, ornent Te semper honores,
 Militet ac *uni* gloria fama Tibi.
I cornu cæcæ fortis! tuus impetus exsit!
 Non temerare queas, nonq; ferire VIRUM,
Glorior en Cultor, quòd Te præsiseris isthòc
 Officiò calamò concelebrare mihi.
 Tamq; diu vivas donec PATER ostia Nili
 Manârint, opto CALLIOPEq; vovet.

Thomas Irowski, Colonellides
 Exercitus Regni.

Programma II.

IOANNES IOSEPHVS RIGALSCIVS, NEO-
 DOCTOR, SIT PLENVS CÆLESTIBVS GRATII-
 PROSPER AC VEGETVS VIVAT DIES SERE-
 NOS SINE NVBE; SINGVLI PRECANTVR.

Ana-

Anagramma.

VIR ISTE BONO PVBLICOVERE NATVS, RES
IPSA SENSIT, CANDORE POLLENS, HIC VNI-
VERSIS GRATVS, VIGEAT SOSPES, ITA PRE-
CES VRGENT: VENI SIS CÆLO DIGNVS.

CAnas nunc Musa laudes istius VIRI
Quales meretur virtus, ac ejus labor
Vir iste verè natus publico Bono
Candore mentis. sensit ipsa res,
Dum pro labore virtus Laurum fert Ei.
Hic universis gratus vigeat, poscimus.
Ac ita sis sospes annis, hocurgent preces.
Veni VIR Magne, sis Cælò dignus vorent.

Omnes & singuli
Devotissimi Contubernii
TUI Alumni.



